



Broj: 01 \_\_\_\_\_/12  
Banja Luka, \_\_\_\_\_ 2012. godine

### Izvještaj o radu Uprave za indirektno/neizravno oporezivanje za period 01.01.-31.12.2011. godine

#### I UVOD

Uprava za indirektno/neizravno oporezivanje (u daljem tekstu: UINO), kao samostalna upravna organizacija, je uspostavljena Zakonom o sistemu indirektnog oporezivanja u Bosni i Hercegovini („Službeni glasnik BiH“ broj 44/03, 52/04, 4/08, 49/09), kao jedini organ nadležan za sprovođenje zakonskih propisa o indirektnom oporezivanju i politike koju utvrdi Savjet ministara na prijedlog Upravnog odbora, i koja je zadužena za naplatu i raspodjelu indirektnih poreza u Bosni i Hercegovini. Nadležnost, organizacija, rukovođenje i druga pitanja značajna za rad UINO regulisana su Zakonom o Upravi za indirektno oporezivanje („Službeni glasnik BiH“ broj 89/05) i drugim zakonima koji regulišu indirektne poreze u Bosni i Hercegovini.

Poslove iz svoje nadležnosti UINO vrši u Središnjem uredu sa sjedištem u Banja Luci i regionalnim centrima koji se nalaze u Banja Luci, Sarajevu, Mostaru i Tuzli, putem svojih osnovnih i unutrašnjih organizacionih jedinica, utvrđenih Pravilnikom o unutrašnjoj organizaciji i sistematizaciji radnih mesta UINO. Ukupan broj zaposlenih zaključno sa 31.12.2011. godine je 2437, koji broj izvršilaca je nedovoljan s obzirom na obim poslova i djelokrug rada UINO.

#### II NAJVAŽNIJE AKTIVNOSTI I STANJE U OBLASTI

Savjet ministara je na sjednici održanoj 24. februara 2011. godine razriješio dužnosti dotadašnjeg direktora UINO i imenovao novog vršioca dužnosti direktora. Nakon preuzimanja dužnosti od strane v.d. direktora i sagledavanja stanja u UINO preduzete su značajne aktivnosti na obezbjeđivanju dosljedne primjene propisa iz oblasti indirektnog oporezivanja i na poboljšanju radne discipline i kvaliteta rada zaposlenih (operativni planovi za otkrivanje i otklanjanje nepravilnosti u primjeni propisa, izdavanje nalogu za kontrolu, donošenje instrukcija, obavještenja, naredbi i dr.). Ove aktivnosti su imale pozitivne efekte kako na poboljšanju stručnosti i kvaliteta u izvršavanju poslova iz djelokruga rada UINO, tako i na poboljšanju radne discipline, što je doprinijelo i poboljšanju naplate prihoda po osnovu indirektnih poreza. U 2011. godini je zbog teže povrede službene dužnosti pokrenuto 109 disciplinskih postupaka protiv zaposlenih koji su u izvršavanju poslova postupali suprotno važećim zakonskim odredbama i Kodeksu ponašanja zaposlenih u UINO.

UINO je u 2011. godini kontinuirano nastavila sa aktivnostima na izvršavanju obaveza po osnovu Sporazuma o stabilizaciji i pridruživanju između BiH i EU, provođenju Privremenog sporazuma o trgovini i trgovinskim pitanjima između BiH i EU, provođenju Sporazuma o slobodnoj trgovini CEFTA, izvršavanju obaveza BiH kao članice Svjetske carinske organizacije, daljem uskladivanju normi i procedura iz oblasti indirektnog oporezivanja sa direktivama Evropske unije, intenziviranja kontrolnih aktivnosti na primjeni i provođenju zakonskih propisa iz oblasti indirektnog oporezivanja, sa ciljem povećanja naplate prihoda po osnovu indirektnih poreza. Izvršavanje poslova iz djelokruga rada UINO i realizovanje programskih zadataka je provođeno uz podršku i rješenja u informacionom sistemu UINO. Pravilnost i zakonitosti rada organizacionih jedinica UINO u 2011. godini je kontinuirano kontrolisana od strane Odjeljenja za internu reviziju (43 kontrole u okviru planiranih kontrolnih aktivnosti, 29 kontrola po nalogu v.d. direktora, 9 kontrola po predstavki građana) koje je po utvrđenim nepravilnostima predlagalo mjeru za otklanjanje istih i praćenje izvršenja naloženih mjeru.

#### Naplaćeni prihodi

U 2011. godini UINO je vršila aktivnosti primjene propisa iz oblasti indirektnog oporezivanja i naplatu prihoda na jedinstveni račun, raspoređivanje i uplatu prihoda ostvarenih od indirektnih poreza i ostalih prihoda korisnicima, te servisiranje vanjskog duga. Od ukupno planiranih 5.779 miliona KM prihoda na jedinstvenom računu u 2011. godini **prikupljeno je 5.879 miliona KM što je za 2% više u odnosu na plan, a u odnosu na 2010. godinu prikupljeno je za 6% više prihoda**, unatoč kontinuiranom smanjenu prihoda po osnovu carinskih dažbina.

Naime, prema planu provođenja potpisanih sporazuma između BiH i EU, planiran je daljnji pad prihoda od carinskih dažbina (carine i prelevmana), te potpuno ukidanje prihoda po osnovu carinske evidencije donošenjem Zakon o izmjeni Zakona o carinskoj politici Bosne i Hercegovine (»Službeni glasnik BiH« broj 76/11). Neto raspoređeni prihodi korisnicima veći su za 4% u odnosu na 2010. godinu što je rezultat, dijelom zbog promjene politike u oblasti indirektnog oporezivanja i povećanih kontrolnih aktivnosti, te poboljšanja radne discipline zaposlenih, dijelom i zbog kretanja u sferi privrede.

UINO je raspodjelu i doznačavanje prikupljenih prihoda u 2011.godini vršila shodno odlukama Upravnog odbora UINO i prema važećim koeficijentima raspodjele, tako da su, nakon izdvajanja sredstava za minimalne rezerve u svrhu obezbjeđenja povrata sredstava obveznicima (iznos od 883 mil.) i za putarine za izgradnju autoputeva 0,10 KM (iznos od 117 mil.) korisnicima su doznačena sredstava i to: 689 miliona KM u korist BiH-finansiranje institucija; 2.673 miliona KM u korist Federacije BiH; 1.368 miliona KM u korist Republike Srpske i 149 miliona KM u korist Distrikta Brčko. Posupajući po Odluci Upravnog odbora Uprave za indirektno oporezivanje broj: UO 0709/14/2011. godine, Uprava je privremeno rasporedila i rezervisana sredstva od 10 % ukupno ostvarenih prihoda od putarine za autoceste u iznosu od 26.000.000, 00 KM, što je dio od ukupnog iznosa 29.467.108, 09 KM koji je ostajao na podračunu Jedinstvenog računa u skladu sa članom 2. stav 1. Odluke o privremenoj raspodjeli prihoda od putarine za autoputeve ("Službeni glasnik BiH" broj 102/09). U toku 2011.godine rezervisana su sredstva, te su izvršeni povrati obveznicima indirektnih poreza u ukupnom iznosu od oko 883 miliona KM, od čega je 770 miliona KM vraćeno putem komercijalnih banaka PDV obveznicima, oko 98 miliona KM PDV-a je vraćeno međunarodnim organizacijama, a oko 15 miliona KM se odnose na povrate po ostalim osnovama.

UINO je na osnovu Odluka Upravnog odbora UIO broj. UO: 0709/140/2011; 0709/139/2011; 0709/138/2011; 0709/137/2011 od 07.09.2011.god. o privremenom poravnanju između korisnika raspodjele indirektnih poreza sa jedinstvenog računa (FBiH i RS), za 2008. i 2009 godinu, period janur – juni 2010/2011. godine, izvršila privremeno poravnanje između korisnika raspodjele na teret tekućih prihoda od indirektnog oporezivanja na jedinstvenom računu UINO koji pripadaju Federaciji BiH, prenosom na račun Republike Srpske u periodu 14.09.-30.11.2011.godine svakodnevno sa jednakim iznosom isplata od po 604.213, 00 KM, odnosno ukupno 33,8 miliona KM. Na osnovu izvršene raspodjele sredstava u 2011. godini, Federaciji BiH doznačeno je 4%, Republici Srpskoj 7% i Brčko Distriktu 5% više prihoda nego u 2010. godini.

Primjenom odredbi Zakona o akcizama u Bosni i Hercegovini („Službeni glasnik BiH”, broj: 49/09) uvedena je putarina u iznosu od 0,10 KM za izgradnju autoputeva i povećana akciza na cigarete i kafu, i shodno navedenom Zakonu donesena je Odluka o utvrđivanju posebne i minimalne akcize na cigarete ("Službeni glasnik BiH", broj 88/10) i od 01.01.2011. godine dodatno je povećan iznos fiksne akcize na duhan i duhanske prerađevine (za 0,15 KM) što je uticalo na povećanje prihoda od akciza na duhanske prerađevine pa samim tim i ukupnih akciza (prihodi od akciza na duhanske prerađevine veći su za 100 miliona KM u odnosu na prošlu godinu). Tako je povećanje ukupnih prihoda po osnovu domaćih akciza veće za 2% , a po osnovu akciza na uvozne proizvode za 12% u odnosu na prethodnu godinu. S obzirom da je ovim zakonom propisano i obilježavanje kafe i prirodne rakije akciznim markicama, Uprava je po ovom osnovu u 2011. godini planirala materijalne izdatke za štampanje akciznih markica, u iznosu od 3.670.000 KM.

U postupku prinudne naplate indirektnih poreza,ostalih prihoda i taksi koji je UINO provodila u 2011.godini, ukupan dug po osnovu PDV-a zaključno sa 31.12.2011. godine iznosi 223.642.034,45 KM, od čega dug po osnovu automatskog razreza PDV-a iznosi 46.147.651,89 KM tj. 20,63%, dug po PDV prijavi 177.428.756,77 KM tj. 79,34 % i dug po osnovu ručnog zaduženja PDV-a na ino usluge i po posebnoj šemi u građevinarstvu iznosi 65.625,80 KM tj. 0,03% od ukupnog iznosa duga u koji su uključeni glavni dug i naknadni teret prinude. Procenat naplate duga po osnovu PDV prijava iznosi 65,44%.

U navedenom periodu ukupno obračunata kamata iznosi 33.457.503,00 KM od čega je naplaćeno 25.495.048,95 KM. Za dug u iznosu od 18.998.054,81 KM odobreno je odgođeno plaćanje ili plaćanje duga u ratama, za koji dug je prihvaćeno zakonom propisano sredstvo obezbjeđenja duga (sveobuhvatna garancija banke, hipoteka na nekretninama, zalog na pokretnoj imovini).

U toku 2011. godine postupak prinudne naplate pokrenut je za dug u iznosu od 161.594.212,04 KM od čega je ukupno naplaćeno 64.248.458,52 KM pa je samim tim ostalo za uplatu 97.345.753,52 KM. Dug po PDV prijavi 83.236.734,94 KM tj. 85,50 %. Dug po osnovu automatskog razreza PDV obaveze iznosi 14.109.018,58 KM tj. 14,50%. Procenat naplate duga po osnovu PDV prijave za dug iz 2011. godine iznosi u 39,76%, koji procenat je manji iz razloga što u skladu sa članom 34. Zakona o postupku indirektnog oporezivanja („Službeni glasnik BiH”, broj 89/05) uplate namiruju najstariju obavezu.

Dug po osnovu akcize iznosi 11.941.607,75 KM.UIO je nadležna i za naplatu duga po osnovu dugovanja fizičkih i pravnih lica iz carinskog postupka koji na dan 31.12.2011. godine iznosi 20.085.958,65 KM, od čega je za iznos od 1.768.569,09 KM odobreno odgođeno plaćanje ili plaćanje duga u ratama.

Na nivou UINO je u 2011.godini nakon provedenog postupka za 23 dužnika proglašen privremeno nenaplativim dug u iznosu od 964.056,60 KM.

### Kontrolne aktivnosti

U 2011.godini UIO je sa aspekta primjene zakonskih propisa o indirektnim porezima u unutrašnjem prometu izvršila 1664 kontrola kod velikih poreskih obveznika, što je više za 516 kontrola ili 44,94 % u odnosu na 2010. godinu (1.148 kontrola). Ostvareni bruto efekat ovih kontrola je 45.304.471,53 KM, što je za 46,16% više u odnosu na 2010. godinu (30.995.782,89 KM), a ostvareni neto efekat kontrola (efekat nakon rješavanja po žalbi) je 41.093.048,53 KM, što je za 36,64% više nego u 2010.godini (30.074.011,89 KM). Također je izvršeno 5.757 kontrola kod ostalih poreskih obveznika, što je manje za 6,8% u odnosu na 2010. godinu (6.177 kontrola), a ostvareni bruto efekat ovih kontrola je 43.485.124,91 KM, što je za 1,76 % manje u odnosu na 2010. godinu (44.264.534,37KM), a ostvareni neto efekat (efekat nakon rješavanja po žalbi) je 39.999.951,91 KM, što je za 3,39% više u odnosu na 2010.godinu kada je neto efekat iznosio 38.689.146,37 KM.

U izveštajnom periodu UINO je zaprimila i obradila 574.808 PDV prijava, 4.361 PDA prijave (prijava o obračunatoj domaćoj akcizi), te 17.929 izmijenjenih PDV prijava.

U 2011.godini izvršen je povrat PDV-a u iznosu od 770.174.193,46 KM, što je za 17,63 % više u odnosu na izvršeni povrat PDV u 2010.godini (654.732.602,87).Iznos zahtijevanog povrata i kredita iskazanog u PDV prijavama iznosi je 971.846.956,00 KM, što je manje za 20,63% u odnosu na zahtijevani povrat i kredit iskazan po PDV prijavama u 2010.godini (1.172.317.587,00 KM).

UINO je u 2011.godini u Jedinstveni registar obveznika indirektnih poreza upisala ukupno 2.975 obveznika PDV, 57 akciznih obveznika, 1.639 obveznika za spoljnu trgovinu i 9 obveznika za obavljanje špeditorske djelatnosti, a deregistrovano je ukupno 2.327 poreskih obveznik i oduzeto 135 identifikacionih brojeva.

U obavljanju carinskih poslova UINO je u 2011. godini obradila ukupno 1.036.180 carinskih prijava što je za 4,91% više u odnosu na 2010.godinu, od čega je 589.230 uvoznih carinskih prijava (povećanje u odnosu na 2010.godinu za 1,42%); 237.394 izvoznih carinskih prijava (povećanje u odnosu na 2010.godinu za 4,47%) i 209.556 tranzitnih carinskih prijava. U 2011.godini je pokrenuto ukupno 18.848 carinskih upravnih postupaka od toga je riješeno 15.984 predmeta. U izveštajnom periodu je izvršeno 922 naknadne carinske kontrole po osnovu kojih je naplaćeno 4.995.575,79 KM. Sačinjeno je 173 objašnjenja i mišljenja koja se odnose na carinske postupke, izvršeno 632 laboratorijske analize, izdate su 34 obavezujuće informacije o svrstavanju i porijeklu carinske robe i zatražena provjera porijekla i vrijednosti carinske robe u 4252 predmeta.

Ukupna vrijednost uvoza roba u BiH nad kojom je proveden carinski postupak u 2011.godini je 13.895.211.661,03 KM, što je za 4,24% više u odnosu na vrijednost uvezene robe u 2010. godini (113.329.449.515,20 KM), a ukupna vrijednost izvoza je 8.500.758.686,11 KM, što je za 16,55% više u odnosu na izvoz roba u 2010. godini (7.293.816.189,96 KM ).

U 2011.godini UINO je u carinskom postupku naplatila ukupno 3.811.090.925,3 KM, što predstavlja 10,39% više u odnosu na 2010. godinu (3.452.106.903,6 KM), od čega je po osnovu carina i carinskog evidentiranja naplaćen iznos od 281.031.132,54 KM, što je manje za 6,95% u odnosu na 2010. godinu (302.018.444,78 KM), po osnovu PDV- a pri uvozu naplaćen je iznos od 2.512.611.627,56 KM, što je za 13,24% više u odnosu na 2010. godinu (2.218.866.340,13 KM), po osnovu akcize na uvozne proizvode naplaćen je iznos od 819.589.423,32 KM, što je za 11,71% više u odnosu na 2010. godinu (733.644.537, 98 KM), po osnovu posebne takse (putarine) na naftne derive u 2011.godini naplaćen je iznos od 181.704.907,13 KM što je na nivou iznosa naplaćenog u 2010. godini (181.517.071,13KM), ostalih prihoda i naknada naplaćeno je u 2011.godini u iznosu od 16.055.204,52 KM, što je na nivou iznosa naplaćenog u 2010. godini (16.026.707, 12 KM) i po osnovu poreza na promet (po upravnim rješenjima) u 2011.godini naplaćen je iznos od 98.630,30 KM.

UINO je u izveštajnom periodu u drugostepenom upravnom postupku donijela 2.557 rješenja povodom žalbi izjavljenih na odluke donesene od strane prvostepenih organa i dala 451 odgovor na tužbe povodom pokrenutih upravnih sporova kod nadležnog suda.

U toku 2011. godine ovlaštena lica UINO su izdala 11.953 prekršajna naloga, podnijela 947 zahtjeva za pokretanje prekršajnog postupka, te podnijela 86 izvještaj nadležnom tužilaštvu o počinjenim krivičnim djelima i počiniocu, u kojim izvještajima je utvrđena pričinjena šteta u iznosu od 23.424.334,79 KM.Aktivnosti UINO u 2011.godini u oblasti provođenja propisa indirektnih poreza bile su usmjerene na kontrolu pravilnosti rada obveznika indirektnih poreza, sprječavanju činjenja prekršaja i krivičnih djela, kao i procesuiranju počinioца istih i onemogućavanju nelegalnih postupanja u oblasti indirektnih poreza. U tom cilju UINO je učestvovala u provođenju zajedničkih akcija (kafa, duvan i duvanke prerađevine i dr.) sa drugim institucijama: Državnom agencijom za istrage i zaštitu, Obavještajno-bezbjednosnom agencijom, Tužilaštvom BiH, inspekcijskim sluzbama i entitetskim ministarstvima unutrašnjih poslova. Pored aktivnosti na sprječavanju, otkrivanju i procesuiranju carinskih i poreskih prevara unutar države Bosne i Hercegovine,

UINO je u okviru SECI centra učestvovala kao Nacionalna kontakt tačka za BiH i provodila tri međunarodne carinske operacije: „Avalanche“, „Trojan horse“ i „Bleck pearl“. Također, UINO učestvuje u provođenju projekta „Globalni štit“ koji je fokusiran na visoko rizične prekursore kao opasnost u vezi eksplozivnih tvari.

### **III ZAKONODAVNE AKTIVNOSTI:**

U okviru Twinning projekta "IPA 2008" UINO je uz konsultaciju stručnjaka iz EU angažovanih u tom projektu i učeća predstavnika Ministarstva vanjske trgovine i ekonomskih odnosa BiH, izradila: prijedlog novog *Zakona o carinskoj politici* usklađenog sa sada važećim Carinskim zakonom Evropske unije (zajednice) koji će biti upućen u proceduru njegovog donošenja u 2012. godini, prijedlog izmjene Zakona o akcizama u BiH, prijedlog nove *Odluke o uslovima i postupcima za ostvarivanje oslobađanja od plaćanja uvoznih dažbina*, kojom se regulišu uslovi za ostvarivanje i postupak oslobađanja od plaćanja uvoznih dažbina u svim slučajevima takvog oslobađanja (carinske povlastice) propisanih prijedlogom novog Zakona o carinskoj politici iz prednje tačke a), koja će biti upućena Savjetu ministara BiH na donošenje nakon donošenja navedenog zakona, započet je rad na izradi prijedloga nove *Odluke o provođenju novog Zakona o carinskoj politici BiH*, koja će biti usklađena sa sada važećom Uredbom o provođenju Carinskog zakona Evropske unije (Zajednice), koji rad će se nastaviti u 2012. godini u okviru Twinning projekta "IPA 2008",

- izrađena su odgovarajuća uputstva za određene carinske postupke ( Uputstvo o vraćanju izvezene robe (u primjeni) i prijedlog Uputstva o privremenom uvozu),
- započete pripreme na uvođenju statusa "ovlašćenog primaoca" kao pojednostavljenja u provoznom carinskom postupku i lokalnog uvoznog carinjenja kao pojednostavljenja u uvoznim postupcima.

- UINO je izradila prijedlog Zakon o izmjenama i dopunama Zakona o postupku prinudne naplate indirektnih poreza koji je donesen i objavljen u „Službenom glasniku BiH“ broj 62/11, kao i prijedlog Pravilnika o provedbi ovog zakona koji je u proceduri donošenja.

U oblasti carinske zaštite pojedinih prava intelektualne svojine izrađene su sljedeće Odluke: Odluka o provođenju carinskih mjera za zaštitu prava nosioca žiga; Odluke o provođenju carinskih mjera za zaštitu prava nosioca industrijskog dizajna;Odluke o provođenju carinskih mjera za zaštitu prava nosioca imena porijekla ili geografske oznake; Odluke o provođenju carinskih mjera za zaštitu prava nosioca autorskog i srodnih prava i Odluke o provođenju carinskih mjera za zaštitu prava nosioca patenta,

Donesen je veći broj uputstva i instrukcije: Uputstvo o izmjeni Uputstva o lokalnom izvoznom carinjenju, Uputstvo o izmjenama i dopunama Uputstva o pojednostavljenom postupku provoza robe željeznicom, Uputstvo o izmjeni Uputstva o provođenju postupka po karnetu TIR, te četiri izmjene i dopune Priloga II Uputstva o popunjavanju carinske prijave i izrađen prijedlog novog Uputstva o uzimanju uzoraka robe u carinskom postupku, prijedlog izmjene Instrukcije o ispunjavanju uslova za sticanje statusa ovlašćenog izvoznika iz BiH, Instrukciju o uslovima i načinu povrata poreza na dodatu vrijednost diplomatskim i konzularnim predstavništvima, međunarodnim organizacijama i članovima misija („Službeni glasnik BiH“, broj 8/11); Instrukciju o postupku ostvarivanja carinskih i poreskih oslobađanja u skladu sa Okvirnim sporazumu između Bosne i Hercegovine i Povjerenstva Europskih zajednica o pravilima suradnje koja se odnosi na finansijsku pomoć Bosni i Hercegovini u okviru pružanja pomoći putem instrumenta pretpripravne pomoći (IPA) („Službeni glasnik BiH“, broj 74/11); Izmjena objašnjenja o načinu postupanja kod primitka i obrade prijave za porez na dodanu vrijednost i prijava trošarine broj: 01-02-2-761-8/10 od 22.11.2010. godine i dr.

### **IV ZAKLJUČIVANJE MEĐUNARODNIH UGOVORA**

Uprava za indirektno oporezivanje primjenjuje sve međunarodne sporazume, odnosno, ugovore koje je Bosna i Hercegovina zaključila sa drugim državama. UIO je zajedno sa Ministarstvom spoljne trgovine i ekonomskih odnosa provela sve pripremne aktivnosti koje su omogućile pristupanje BiH Istanbulskoj konvenciji o privremenom uvozu radi primjene ATA karneta u BiH i uvedena je primjena ATA karneta u BiH od 18.04.2011.godine.

### **V EVROPSKE INTEGRACIJE**

UIO je u okviru svoga djelokruga rada u toku 2011. godine podnosila Direkciji za evropske integracije tražene izyještaje o napretku BiH u sprovođenju Privremenog Sporazuma o stabilizaciji i pridruživanju, te učestvovala na sastancima Privremenog odbora BiH.

### **VI PLANIRANI I REALIZOVANI PROGRAMSKI ZADACI**

U 2011. godini je planirano prikupljanje prihoda na jedinstvenom računu ukupno u iznosu od 5.779 miliona KM, a prikupljeno je 5.879 miliona KM što je za 2% više u odnosu na plan, a u odnosu na 2010. godinu prikupljeno je za 6% više prihoda. Neto raspoređeni prihodi korisnicima veći su za 4% u odnosu na 2010. godinu, dok su izdvajanja za rezerve u svrhu povrata sredstava obveznicima indirektnih poreza povećana u 2011. u odnosu na 2010. godinu za 21%.

Povećan iznos izdvajanja sredstava za povrate PDV-a rezultat je povećane naplate PDV-a pri uvozu roba u BiH (uvoz povećan za 1,42%) i povećanja vrijednosti izvoza roba (izvoz povećan za 4,47%), ali i opšte nelikvidnosti privrede uslijed čega se obveznici odlučuju za povrat PDV-a, a ne za poreski kredit, kako bi brže došli do novčanih sredstava, što je znatno više nego u ranijim godinama, te povećanog izdvajanja sredstava za

povrate PDV-a međunarodnim organizacijama i po osnovu sporazuma koje je država BiH potpisala gdje projekti po osnovu međunarodnih ugovora i sporazuma o kreditu treba da budu oslobođeni svih poreza nametnutih od strane ili na teritoriji države članice (npr. povrati Željeznicama FBiH i RS; JPAutoceste FBiH; JP Direkcija Cesta FBiH; Autoputevi RS; Putevi RS i sl)

Iako je i u 2011. godini evidentan dalji pad prihoda od carinskih uvoznih dažbina, što je posljedica primjene Privremenog Sporazuma o stabilizaciji i pridruživanju koji podrazumijeva ukidanje ili smanjenje stope carine pri uvozu roba u BiH, te potpuno ukidanje carinske evidencije, prikupljeno je za 7% manje prihoda po ovom osnovu u odnosu na 2010. godinu, odnosno 21 milion KM manje, ipak je u ovom izvještajnom periodu zabilježen rast ukupne naplate prihoda po osnovu indirektnih poreza za 6 % u odnosu na 2010.godinu.

## VII BUDŽETSKA SREDSTVA

U skladu sa odlukama o privremenom finansiranju institucija BiH u 2011. godini za finansiranje UINO planirana su sredstva u iznosu od 84.546.000 KM, i to, za bruto plate iznos od 59.110.000 KM, naknade troškova zaposlenih 11.900.000 KM, materijalne troškove iznos od 14.536.000 KM ( od čega za štampanje akciznih markica 3.670.000 KM).UINO je, u skladu sa odlukama o privremenom finansiranju Institucija BiH, u 2011. godini sprovodila mjere štednje, te maksimalno racionalno trošila odobrena sredstva na poziciji tekućih izdataka.

Takođe, u skladu sa navedenim odlukama o privremenom finansiranju u 2011. godini, sredstva za kapitalne izdatke nisu planirana što je uzrokovalo poteškoće u funkcionisanju prilikom redovnog obavljanja djelatnosti.U fiskalnu 2011. godinu prenesena su nerealizovana sredstva iz 2010. godine namijenjena za višegodišnja kapitalna ulaganja u iznosu od 15.842.516 KM.

Zakonom o Budžetu institucija Bosne i Hercegovine i međunarodnih obaveza Bosne i Hercegovine za 2010. godinu („Službeni glasnik BiH“, broj 103/09) za UINO planirana su višegodišnja kapitalna ulaganja za izgradnju objekata za regionalne centre Mostar, Tuzla, Banja Luka i Sarajevo, te rekonstrukciju graničnih prelaza u ukupnom iznosu od 62.319.740 KM. Od planiranih višegodišnjih kapitalnih ulaganja, prethodnih godina nabavljeno je zemljište za izgradnju objekata za regionalne centre Mostar i Tuzla.

U sklopu investicija u 2011. godini sproveden je otvoreni postupak za međunarodnu konkurenčiju za izbor najpovoljnijeg ponuđača za izvođenje radova na izgradnji objekta RC Mostar, okončan postupak izbora nadzornog organa, te su započeti radovi na izgradnji objekta. Nadalje, okončana je procedura i potpisana ugovor sa izabranim ponuđačem za izvođenje radova na izgradnji objekta RC Tuzla. Takođe su preduzete aktivnosti za izbor najpovoljnijeg ponuđača za vršenje usluga nadzora nad izvođenjem radova na pomenutom objektu. Završen je postupak eksproprijacije zemljišta za izgradnju graničnog prelaza Bijača i izabran projektant za modifikaciju projektne dokumentacije.

Poslove javne nabavke roba i usluga UINO obavljala je u skladu sa Zakonom o javnim nabavkama BiH. Shodno odlukama direktora o odobrenju javne nabavke, sprovedeno je ukupno 91 postupak, od kojih je uspješno okončano 77 postupaka i to:18 otvorenih postupaka, 46 konkurentska postupka, 7 pregovaračkih postupaka i sprovedeno je 40 direktnih sporazuma. Shodno odlukama o izboru najpovoljnijih ponuđača sačinjeni su ugovori sa dobavljačima odnosno pružaocima usluga, te svi ugovori čija ukupna vrijednost prelazi 10.000 KM dostavljeni Pravobranilaštvu BiH radi pribavljanja mišljenja o pravnoj valjanosti istih.

**V.D. DIREKTOR**

**Dr.sc. Miro Džakula**